



EXPTE. 2026/SUBCC/000005

ASUNTO: APROBACIÓN BASES E CONVOCATORIA DE PREMIOS DO CONCURSO DE MAIOS 2026

RESOLUCIÓN

I. ANTECEDENTES

1. Polo Concelleiro Delegado de Festas, se ordena iniciar o expediente que estableza unhas bases e convocatoria de premios aos maios participantes na Festa dos maios 2026 que poidan ser de interese para a cidadanía de Pontevedra.

O Concello de Pontevedra pretende favorecer e complementar a promoción e realización de diversas actividades culturais, festivas e de difusión das tradicións artísticas do municipio, polo que esta convocatoria de premios co fin de fomentar entre a cidadanía a preservación do patrimonio cultural e apoiar o interese polas actividades culturais e festivas tradicionais do municipio. Esta convocatoria está contemplada no Plan Estratéxico de Subvencións 2026-2028, aprobado por Decreto do Alcalde de 26.01.2026.

Dito PES inclúe o Anexo I das fichas co detalle por liña de subvencións de cada área competencial do PES, que no seu expediente 2026/PES/000001 contempla a convocatoria dos premios da Festa dos Maios., co fin de preservar o patrimonio cultural e fomentar o interese na cidadanía polas actividades festivas e culturais tradicionais do municipio, en especial o concurso de Maios.

2.-Incorpóranse ao expediente as bases da convocatoria de premios así como o informe proposta do xefe de servizo e, consonte co artigo 7.3 da Lei orgánica 2/2012 e base 51 das de execución do orzamento para o 2026, memoria económica relativa ao cumprimento dos principios de estabilidade orzamentaria e sustentabilidade financeira.

3.- Remitido o expediente á Intervención Xeral Municipal, fiscalízase o expediente de conformidade, informando que o gasto poderá ser contabilizado con cargo á aplicación 09/3383/48100 e operación contable 12026000016959 do orzamento de gastos para o 2026, por importe de 6.250,00 €. O libramento desta cantidade farase por medio da expedición da procedente orde de pago a xustificar, tal e como establece o art. 190 do TRLRFL, o artigo 69.1 do Real decreto 500/1990 e a base 63ª das de execución do orzamento para o ano 2026.

II. CONSIDERACIÓNS XURÍDICAS:

1.- O artigo 294 da Lei 5/1997, do 22 de xullo, de administración local de Galicia (LALG) no mesmo sentido que o artigo 23.1 do antigo Regulamento de Servizos das Corporacións Locais, Decreto de 17 de xuño de 1955 (RSCL), determina que poderán conceder subvencións e axudas de contido económico a entidades, organismos ou particulares cuxos servizos ou actividades complementen ou suplan aos atribuídos á





competencia local.

2.- Os artigos 25.1 da Lei 7/1985, de 2 de abril, reguladora das bases de réxime local e 80.2 da Lei 5/1997, do 22 de xullo, de administración local de Galicia establecen que o municipio para a xestión dos seus intereses e no ámbito das súas competencias, pode promover toda clase de actividades e prestar cantos servizos públicos contribúan a satisfacer as necesidades e aspiracións da comunidade veciñal, nos termos da lexislación do Estado e das Comunidades Autónomas, entre outras, nas materias de promoción da cultura e na de ocupación do tempo libre.

3.- O artigo 8 da Lei 38/2003, do 17 de novembro, Xeral de Subvencións (LXS) dispón que os órganos das Administracións Públicas deberán concretar nun plan estratéxico de subvencións os obxectivos e efectos que se pretenden coa súa aplicación, o prazo necesario para a súa consecución, os custos previsibles e as súas fontes de financiamento, supeditándose en todo caso ao cumprimento dos obxectivos de estabilidade orzamentaria. Esta previsión desenvolveuse no Regulamento da LXS, aprobado por Real Decreto 887/2006, de 21 de xullo, que no seu art. 12.3 dispón que os plans estratéxicos de subvencións teñen carácter programático e o seu contido non crea dereitos nin obrigas, establecendo que a súa efectividade quedará condicionada á posta en práctica das diferentes liñas de subvención, atendendo entre outros condicionantes ás dispoñibilidades orzamentarias de cada exercicio.

4.- O artigo 30.7 da Lei 38/2003, xeral de subvencións (LXS), establece que as subvencións que se concedan en atención á concorrencia dunha determinada situación no receptor non requirirán outra xustificación que a acreditación, por calquera medio admisible en dereito, de dita situación previamente á concesión. No caso dos premios, e salvo que as bases reguladoras establezan outra cousa a xustificación consistirá na acreditación do feito de resultar gañador segundo se estableza na convocatoria.

5.- De conformidade co artigo 38 da Ordenanza xeral reguladora das subvencións (Título V. Bolsas ou premios), aprobada polo Pleno da Corporación o 17 de setembro de 2004 (BOP nº190 do 30/09/04), o réxime especial aplicable ao outorgamento de premios educativos, culturais, científicos ou de calquera outra natureza deberán axustarse ao contido desta ordenanza, agás naqueles aspectos nos que, pola especial natureza das subvencións, non resulte aplicable. Cando se trate de premios unicamente será necesario presentar a documentación esixida nas bases específicas da convocatoria.

6.- Polo Servizo de Cultura elaboráronse as bases reguladoras da concesión destas axudas, axustadas á normativa local vixente neste eido, en concreto a Ordenanza xeral reguladora da concesión de subvencións do Concello de Pontevedra. O extracto da convocatoria será comunicada ao BOP pola Base de Datos Nacional de Subvencións nos termos e cos requisitos establecidos no art.20 da Lei 38/2003, xeral de subvencións.

Deseñáronse criterios de baremación en aras de conseguir unha avaliación obxectiva e equitativa, considerando que as bases elaboradas reúnen os criterios técnicos para ser aprobadas.

7.- Aos premios destinarse un importe máximo de 6.250 €, correspondente á aplicación orzamentaria





09.3383.48100 do orzamento de gastos para o exercicio 2026. O libramento desta cantidade farase por medio da expedición da procedente orde de pago a xustificar, tal e como establece o art. 190 do TRLRFL, o artigo 69.1 do Real decreto 500/1990 e a base 63ª das de execución do orzamento para o ano 2026, previa fiscalización da Intervención Xeral.

8.- Segundo o artigo 11 da Ordenanza xeral de subvencións, a competencia para a concesión de subvencións en concorrencia competitiva cando o importe da convocatoria non exceda de 12.020,24 euros correspóndelle á Alcaldía.

Consonte ao disposto nos arts. 124.4 n) da Lei 7/1985, de 2 de abril, Reguladora das bases de réxime local e art.21.1c) do Regulamento orgánico do goberno e da administración, aprobado polo Pleno da Corporación de 21.10.05, corresponde á Alcaldía a autorización e disposición dos gastos en materia da súa competencia e a ordenación dos pagos. Esta competencia delegouse no concelleiro de goberno responsable da Área Legal e Económica por decreto da Alcaldía de 07.04.2026.

En base ao exposto, unha vez informada a existencia de crédito pola Oficina de xestión orzamentaria e contabilidade e informado pola Intervención Xeral o expediente de conformidade, esta Concellería no exercicio das súas atribucións, RESOLVE:

Primeiro.- Aprobar as bases e a convocatoria e pública dos premios do concurso de Maios 2026 do Concello de Pontevedra contidas no documento co CSV OW3X5UB13KKGGX02.

Segundo.- Autorizar o gasto por importe de 6.250,00 €, con cargo á aplicación 09/3383/48100 e operación contable 12026000016959 do orzamento vixente, cantidade que se librará por medio da expedición da procedente orde de pago a xustificar.

Pontevedra, na data da sinatura electrónica.

